



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

Luxemburgi, 1748

CXCVII. Confirmatio Decreti Congregationis Episcoporum, & Regularium,
quo Monasterium Sanctæ Mariæ Sagitarii Ordinis Cisterciensis unitum
declaratur Provinciæ Thusciæ ejusdem Ordinis.

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

Solis diei hujusmodi singulis annis devote visitaverint, ubique, ut petitur, oraverint, eandem plenariam Indulgentiam, & remissionem consequantur auctoritate Apostolica tenore presentium perpetuo extendimus, & ampliamus. In contrarium facien. non obstan. quibuscumque.

Transumptis
fidem addit.

§. 3. Volumus autem ut earundem presentium literarum transumptis, seu exemplis etiam impressis manu alicujus Notarii publici subscriptis, & sigillo Personæ in Ecclesiastica dignitate constitutæ, seu Procuratoris Generalis dictæ Congregationis munitis eadem prorsus fides adhibeatur, quæ adhiberetur ipsis presentibus, si forent exhibitæ, vel ostensæ.

Dat. die 28.
Martii 1737.
An. VII.

Datum Romæ apud Sanctam Mariam Majoram sub Annulo Piscatoris die 28. Martii 1737. Pontificatus nostri Anno Septimo.

F. Card. Oliverius.

CXCVII.

Confirmatio Decreti Congregationis Episcoporum, & Regularium, quo Monasterium Sanctæ Mariæ Sagittarii Ordinis Cisterciensis unitum declaratur Provincia Thuscæ ejusdem Ordinis.

CLEMENS PP. XII.

Ad futuram rei memoriam.

Decretum
Congregationis,
de
quo in Rubrica.

§. 1. **E**manavit nuper a Congregatione Venerabilium Fratrum nostrorum Sanctæ Romanæ Ecclesiæ Cardinalium negotiis, & Consultationibus Episcoporum, & Regularium præpositorum in causa dismembrationis Monasterii Sanctæ Mariæ Sagittarii nuncupat. Provincia Thuscæ Anglonen. Dioces. Ordinis Cisterciensis Sancti Bernardi, & Reunionis Provincia Calabriæ ejusdem Ordinis, inter dilectos Filios superiores utriusque Provincia super, Infra scriptis Dubiis vertente Decretum tenoris, qui sequitur videlicet: Anglonen., seu Ordinis Cisterciens. Antiquissimum & Insigne Monasterium S. Mariæ Sagittarii Ordinis Cisterciensis situm in Provincia Basilicata, seu Lucania Diocesis Anglonen. in Regno Neapolis, quod ante annum 1633. a suo Superiore Regulari de per se regebatur, fuit ad preces Superiorum Calabriæ a san. mem. Urbano VIII. qui omnia Monasteria Cisterciensium erexerat in Provincias, de dicto anno 1633. unitum Provincia Calabriæ, & Lucaniæ, sed quia modico annorum intervallo sub regimine Calabriæ in Disciplina Regulari, & substantiis notabiliter decreverat, provide sa. me. Alexan. VII. ad obviandum tot malis (audito voto clar. mem. Card. Franciotti tunc ejusdem Ordinis Protectoris, bon. me. R. P. D. Fagnani, & de Alteriis hujus Sac. Congregationis tunc Secretariis, postea san. mem. Clem. X.) Motu proprio, & matura deliberatione segregavit a Provincia Calabriæ, & sub die 1. Octob. 1664. univit, & aggregavit Regimini Cisterciensium Provincia Thuscæ, sub quo Gubernio pacifice, & cum Incremento spirituali, & temporali Patres vixerunt, Regnantibus san. me. Alexan. VII., & Clem. IX. & solummodo ad san. mem. Clem. X. reclamantibus Patribus Regiminis Calabriæ, fuerunt eorum preces a Sanctissimo remissæ huic Sac. Congregationi: qua auditis prius relationibus trium Archiepiscoporum Viciniorum Regni, scilicet Matheranensis, S. Severinæ, & Rosanensis, causa mature discussa referentibus clar. mem. Card. Imperiali, & Cybo, post plures propositiones sub die 15. Martii 1674. prodiit resolutio. Observandum esse Breve san. mem. Alexan. VII. super unione Monasterii S. Mariæ Sagittarii facta Congregationi S. Bernardi ejusdem Ordinis Provincia Thuscæ -- a qua resolutione non reclamarunt Patres Regiminis Calabriæ nisi de anno 1699. quo tempore remissis eorum precibus a san. me. INNOCEN. XII. ad Sacram

Congregat. super statu Regularium, eadem sub die 13. Januarii 1699. rescripsit -- servandam esse resolutionem anni 1674. -- Postmodum PP. Regiminis Calabriæ anno 1726. inauditis PP. Regiminis Thuscæ extorserunt a san. mem. Benedicto XIII. Breve subreptitium & obreptitium reunionis ejusdem Monasterii præfata eorum Provincia Calabriæ, sed recurrentibus postea PP. Superioribus Regiminis Thuscæ, & Monasterii S. Mariæ Sagittarii ad SS. D. N. Clementem PP. XII. feliciter regnantem pro aperitione oris adversus D. Breve, ac remissis eorum precibus ad hanc Sacram Congregationem, referente prius clar. mem. Card. Nicolao Spinula, & postmodum Eminentissimo, & Reverendissimo D. Card. Porzia, disputata fuerunt infra scripta Dubia -- Primo -- An intret arbitrium pro aperitione oris adversus Breve san. mem. Benedicti XIII. in casu, & quatenus affirmative -- Secundo -- An sit standum prædicto Brevi, seu potius alteri san. mem. Alexandri VII. in casu & c. Sac. Congregatio Eminentissimorum, & Reverendissimorum S. R. E. Cardinalium negotiis, & Consultationibus Episcoporum, & Regularium præposita referente Eminentissimo Domino Cardinali de Porzia Ponente Partibus auditis ac re mature perpena ad supra scripta Dubia sequentem in modum respondendum censuit, prout respondit, videlicet -- Ad primum affirmative -- Ad secundum servandum esse Decretum Alexandrianum. Romæ 17. Septembris 1736. -- Reproposita vero causa sub infra scripta die Ponente eodem Eminentissimo de Porzia, ipsamet Sacra Congregatio rescripsit -- Pro executione Decreti emanati sub die 17. Septembris 1736. Romæ 15. Februarii 1737. Card. Franciscus Barberinus C. Arch. Calcedonen. Sec. Loco + Sigilli.

§. 2. Cum autem sicut dilecti filii Monachi primodiæ Monasterii nobis nuper exponi fecerunt ipsi Decretum hujusmodi, quo firmius subsistat, Apostolicæ Confirmationis nostræ patrocinio communiri summopere desiderent. Nos ipsos Exponentes specialibus favoribus, & gratis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a jure, vel ab homine quavis occasione, vel causa latis, si quibus quomodolibet innodatæ existunt, ad effectum presentium tantum consequen. harum serie absolventes, & absolutos fore censentes, supplicationibus eorum nomine nobis super hoc humiliter porrectis inclinati, Decretum præinsertum auctoritate Apostolica tenore presentium approbamus, & confirmamus, illique inviolabilis Apostolicæ firmitatis robur adjicimus, salva tamen semper in præmissis auctoritate memoratæ Congregationis Cardinalium.

§. 3. Decernentes easdem presentes Literas firmas, validas, & efficaces existere, & fore, suosque plenarios, & integros effectus fortiri, & obtinere, ac illis, ad quos spectat, & pro tempore spectabit plenissime suffragari, & ab eis respective inviolabiliter observari, sicque in præmissis per quoscumque Judices ordinarios, & delegatos etiam Causarum Palatii Apostolici Auditores judicari, & diffiniri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus Constitutionibus, & ordinationibus Apostolicis, nec non Provincialium, & Ordinis prædictorum etiam juramento, confirmatione Apostolica, vel quavis firmitate alia roboratis, Statutis, & Consuetudinibus, privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores presentibus pro

Petita Apo-
stolica con-
firmatio.

Conceditur.

Sic ubique
judicandum.

Obstantium
derogatio.

plene,

plene, & sufficienter expressis, ac de verbo ad verbum insertis habentes, illis alias in suo robore permanens, ad præmissorum hac vice dumtaxat specialiter, & expresse derogamus, ceterisque contrariis quibuscumque.

Dat. die 1. Aprilis 1737. An. VII.

Datum Romæ apud Sanctam Mariam Majorem sub Annulo Piscatoris die 1. Aprilis 1737. Pont. nostri Anno VII.

F. Card. Oliverius.

CXCVIII.

Indulgentias alias concessas pro visitantibus Ecclesias, seu Oratoria Missionariorum Capuccinorum Gallorum in partibus Infidelium existentium, etiam pro Animabus Christianidelium per modum Suffragii applicari posse benigne indulget.

CLEMENS PP. XII.

Ad perpetuam rei memoriam.

Indulgentias alias concessas.

§. 1. **C**um, sicut dilectus filius Cherubinus de Nove Ordinis Fratrum Minorum S. Francisci Capuccinorum nuncupatorum professor, ac dilectorum filiorum Missionariorum Gallorum, & Hybernorum ejusdem Ordinis in partibus Hæreticorum, & Infidelium existentium in Romana Curia Procurator nobis nuper exponi fecit alias Nos omnibus utriusque Sexus Christianidelibus vere penitentibus, & confessis, ac sacra Communione refectis, qui aliquam ex Ecclesiis, seu Oratoriis dictorum Fratrum Missionariorum, Mulieribus vero, quibus ad illas, seu illa liber non pateret accessus, seu ingressus, que alias Ecclesiam, seu Oratorium Catholicorum earumdem partium a Custode, vel Prefecto Missionum hujusmodi designandum in festis diebus sub certis modo, & forma tunc expressis visitarent, & ibi pro Christianorum Principum concordia, hæresum extirpatione, ac S. Matris Ecclesie exaltatione pias ad Deum preces effudissent, quo die ex prædictis id egissent, plenariam omnium peccatorum suorum Indulgentiam, & remissionem misericorditer in Domino perpetuo concessimus, prout in nostris desuper in simili forma Brevis die 20. Maii 1735. Pontificatus nostri Anno V. expeditis literis plenius continetur.

Pro animabus Defunctorum applicari concedit.

§. 2. Cum autem, sicut eadem expositio subjungebat Christianifideles illas Indulgentias Christianidelium Defunctorum animabus per modum suffragii applicari posse plurimum desiderent, Nos hujusmodi supplicationibus inclinati, omnibus, & singulis Christianidelibus prædictis, ut Indulgentias plenarias iisdem diebus, quas de cetero consecuti fuerint, Christianidelium Defunctorum animabus, que Deo in charitate conjuncte ab hac luce migraverint per modum suffragii applicare possint, & valeant, auctoritate Apostolica tenore præsentium ibidem perpetuo concedimus, & indulgentiam in contrarium facien. non obstantibus quibuscumque.

Transumptis credi jubet.

§. 3. Volumus autem quod earumdem præsentium literarum transumptis, seu exemplis etiam impressis manu alicujus Notarii publici subscriptis, & sigillo Personæ in Ecclesiastica dignitate constituta munitis eadem prorsus fides adhibeatur, que adhiberetur ipsis præsentibus, si forent exhibita, vel ostensa.

Dat. die 9. Aprilis 1737. An. VII.

Datum Romæ apud S. Mariam Majorem sub Annulo Piscatoris die 9. Aprilis 1737. Pont. nostri Anno VII.

Confirmatio Decreti Congregationis Rituum super approbatione Sententiæ Episcopi Pisaurensis de casu excepto a Decretis Urbani VIII. sive de Cultu immemorabili præfatio B. Melchioris Viduæ Pisaurensis Tertii Ordinis S. Francisci.

CXCIX.

CLEMENS PP. XII.

Ad perpetuam rei memoriam.

Mulieres fortes, que præsertim opibus Sacculi, potentia Propinquorum, nobilitate originis, & juventute, ac pulchritudine decorate, amissis Maritis, & Filiis, & cunctis despectis, per gratiam Spiritus Sancti accinctæ robore, in Spiritu ambulantes, ad pedes advolunt Christi, quasi ipsum tenentes, elegerunt abjectas esse in Domo Dei, & per arduas Christianæ perfectionis semitas in odorem unguentorum Coelestis Sponsi alacres cucurrerunt, eo-majoribus in Catholica Ecclesia præconiis sunt condignæ, quo fortius sexus infirmitatem transgredientes, luculentioribus præluxerunt exemplis, ut ceteræ Mulieres earumdem vestigia sectantes, immarcescibilem gloriæ coronam in oculis cum ipsis accipere mererentur. Quamobrem Apostolicæ servitutis officium, quod inscrutabilis divinæ Sapientiæ, atque Bonitatis altitudo humilitati, tenuitateque nostræ credere dignata est, ad spirituales fidelium adificationem salubriter exequi, aspirante superni favoris auxilio, jugiter fatigantes, Mulierum hujusmodi, quas non solum eximiarum Christianæ pietatis virtutum præsidio, sed etiam Signorum splendore insignes æternæ felicitatis participes fecit misericordiarum Pater, Cultum, & Venerationem in terris libenter promovemus, cum maxime accedentibus Virorum, & Regia Majestate, & Ecclesiastica dignitate, & Religionis virtute fulgentium votis, ad divini honoris decus, & militantis Ecclesie incrementum maximopere conducere conspiciamus.

Procedium.

§. 1. Cum itaque alias ad relationem Dilecti Filii nostri Vincentii Ludovici S. R. E. Presbyteri Cardinalis Gotti nuncupati commissio introductionis causæ Canonizationis B. Melchioris Viduæ e Nobili Metellorum Gente Civitatis nostræ Pisaurensis Tertii Ordinis S. Francisci in Congregatione Venerabilium Fratrum nostrorum ejusdem S. R. E. Cardinalium Sacris Ritibus præpositorum habita die 11. Augusti anni 1736. proxime elapsi admittæ, & a nobis postmodum signata fuisset.

Introductio Cause Canonizationis B. Melchioris Viduæ in Congregatione Rituum.

§. 2. Subinde vero instantibus Dilecto Filio nostro Fabio ejusdem S. R. E. Diacono Cardinali de Abbatibus Oliverio nuncupato, Secretario Brevium nostrorum Secretorum, & Dilecto Filio Vincentio de Comitibus Ordinis Minorum S. Francisci Conventualium etiam nuncupatorum Ministro Generali hujusmodi Cause postulatore, processus in Curia Episcopali Pisaurensi super Cultu ab immemorabili tempore ipsi Beata præfatio, sive super casu excepto a decretis fel. rec. Urbani Papa VIII. Prædecessoris nostri auctoritate ordinaria formati, in quo Ven. Frater Philippus Episcopus Pisaurensis Sententiam super prædicto Cultu protulerat, in eadem Congregatione Cardinalium examinatus, simulque a dicto Vincentio Ludovico Cardinale propositum fuisset Dubium: An Sententiæ prædicti Philippi Episcopi lata super casu excepto a decretis ipsius Urbani Prædecessoris, sive super Cultu publico ab immemorabili tempore dictæ Beate præfatio esset confirmanda in casu, & ad effectum, de quo agebatur. Et eadem Cardinalium Congr. resolutionem distulisset, atque interea mandasset fieri diligentias in Civitate prædicta Pisaurensi

Processus institutus in Curia Pisaurensi: & latum Decretum super Cultu immemorabili.